



Broj: 07-35-1-2664-2/18

Sarajevo, 18. 09. 2018. godine

Bosna i Hercegovina  
Federacija Bosne i Hercegovine  
Skupština Kantona Sarajevo  
N/r prof. Ana Babić, predsjedateljica Skupštine Kantona Sarajevo  
Reisa Džemaludina Čauševića 1  
71000 Sarajevo

**PREDMET: Zastupničko pitanje,**  
**veza Vaš broj: 01-05-30926-12/18**

U vezi sa pitanjem zastupnika Mirze Čelika, postavljenim na 44. radnoj sjednici Skupštine Kantona Sarajevo, održanoj dana 06. 09. 2018. godine: „*Sjednica Skupštine Kantona Sarajevo koja je zakazana za 06.09. 2018 godine, zbog obimnog dnevnog reda nije završena. Svaku sjednicu Skupštine direktno prenosi Televizija Kantona Sarajevo. S tim u vezi, budući da je nastavak sjednice Skupštine Kantona Sarajevo planiran za 18. 09. 2018. godine, molim vas da mi HITNO odgovorite da li Televizija Kantona Sarajevo u vrijeme predizborne kampanje može prenositi sjednicu Skupštine Kantona Sarajevo?*“, obavještavamo Vas da je dana 12.09.2018. godine Regulatorna agencija za komunikacije (Agencija) zaprimila Vaš upit koji je prosljeđen Agenciji posredstvom Službe za skupštinske poslove, te da je tim povodom Agencija, 13.09.2018. godine, dostavila Dopis broj: 03-29-2643-2/18, sa odgovorom na postavljeno pitanje, koji glasi:

Obavještavamo Vas da emitovanje redovnih informativnih programa u kojima se pojavljuju izabrani zvaničnici na raznim nivoima vlasti nije u suprotnosti sa odredbama Izbornog zakona BiH, međutim pri emitovanju istih neophodno je pridržavati se principa propisanih članovima 16.3 i 16.4 Izbornog zakona BiH, u kojima se navodi sljedeće:

#### Član 16.3

*U emisijama elektronskih medija nijedan politički subjekt ne može imati povlašten položaj u odnosu prema drugom političkom subjektu.*

*Zvaničnici na svim nivoima vlasti koji su kandidati na izborima ne smiju imati povlašten položaj prema drugim učesnicima u izbornom procesu.*

*Informiranje o redovnim aktivnostima zvaničnika na svim nivoima vlasti dozvoljeno je u okviru informativnih programa elektronskih medija, bez navođenja njihove kandidature na izborima i stranačke pripadnosti, kad god se radi o aktivnostima koje proizilaze iz zakonom utvrđenog djelokruga organa kojima pripadaju.*

Član 16.4

*Elektronski mediji posebno će voditi računa o tome da se principi uravnoteženosti, poštenja i nepristrasnosti poštuju u informativnim emisijama, pogotovo u emisijama aktuelnih vijesti, zatim u intervjuiima, te u raspravama o aktuelnim političkim temama, poput okruglih stolova i slično, koje tematski nisu u direktnoj vezi s izbornim aktivnostima političkih subjekata, ali bi mogle imati uticaj na raspoloženje birača.*

Dakle, shodno prethodno citiranim odredbama, snimanje i emitovanje sjednice Skupštine Kantona Sarajevo, kao uostalom i bilo kojeg drugog informativnog programskog sadržaja nije zabranjeno, ali je uslovljeno poštivanjem gore navedenih odredbi o čemu elektronski mediji moraju voditi računa.

Krajnja odluka o tome da li će se predmetni sadržaji emitovati ili ne, u ingerenciji je samog medija, koji ima uredničku odgovornost da procijeni da li bi emitovanje određenih programa potencijalno moglo dovesti do narušavanja gore citiranih odredbi, te potpunu uredničku slobodu u kreiranju vlastitog programa.

S poštovanjem,



Generalni direktor



Predrag Kovač

Dostavljeno:

-naslovu

-arhiva